





NOTAT

Arkivsakid-doknr:	23/186-1	Saksh:	Gunnar Enan	Arkivkode	Dykkar ref.	Dato:	
Journalpostid:	23/1749	Telefon	47612205	FST-012		23.02.2023	

Årsmelding 2022

Årsmeldinga omfattar fylgjande hovudpunkt:

1. Økonomisk del
2. Generell del
3. Viltforvaltning
 - 3.1 Villreinforvaltning
 - 3.2 Elgjakt
 - 3.3 Småviltforvaltning
4. Fiskeforvaltning
 - 4.1 Fiskeutsetting
 - 4.2 Prøvefiskeresultat
 - 4.3 Garnfiskestatistikk
 - 4.4 Kalking
 - 4.5 Anna fiskekultivering
5. Fjellstyrehyttene
 - 5.1 Hyttestyret
6. Beiteleiga
7. Anna

1. Økonomisk del

Utdrag av rekneskapsresultatet for 2021 og 2022 viser fylgjande hovudpostar for inntekter og utgifter:

	Resultat og balanse	
Kontogruppe	2021	2022
Driftsinntekter	1 735 960	1 476 072
Anna driftsinntekt	293 797	241 239
Varekjøp	3 920,00	2 100
Lønn	82 063	80 223
Driftskostnader	1 172 729	1 198 982
Driftsresultat	563 231	277 090
Finansinntekter	10 634	27 683
Årsresultat	573 518	304 681

Kommentar:

Her visast hovudtala frå rekneskapet samanlikna med tala frå året før. Rekneskapet for 2022 er førebels og ikkje godkjent av revisor enno. Årsresultatet viser eit førebels overskot med kr 304 681.

Inntektene:

Raden «Driftinntekter» omfattar tilsaman 7 postar der inntekt frå villreinkort, småviltkort, elgjakt og fiskekort, er dei viktigaste postane.

- Reduksjon i inntekt frå året før skuldast i hovudsak lågare inntekt frå småviltjakta da det ikkje vart opna for vidare kortsal som følgje av takseringsresultat. Det var og ein nedgang i inntektene frå stongfiske, dette skuldast truleg dårleg ver i sumar.
- Miljødirektoratet oppmoda kommunane rundt vidda til å opna for jakt på elg og hjort i terreng der det er arealoverlapping med villreinens arealbruk. Dette er eit tiltak for å redusera mogleg spreining av skrantesjuka. Resultatet vart at det er godkjent elgvald i fjellet, kalla Eidfjord fjellvald, der statsallmenninga inngår. Fjellstyret vart tildelt 4 fellingsløyve sist haust.

Utgiftene:

- Største faste utgiftspostar er knytt til drift og omfattar kjøp av tenester frå Hardangervidda fjelloppsyn, kjøp av tenester frå Eidfjord kommune, rekneskapstenester, godtgjersle for politisk arbeid, kjøp av sekretærtenester og kontingent til Norges fjellstyresamband.
- Vedlikehald av hyttene er og ein utgiftspost. Frå hyttestyret vert det rapportert følgjande aktivitet;
 - Hyttestyret har ikkje utført større vedlikehaldsoppgåver i 2022.

Investeringar:

Det er ikkje gjennomført tiltak som er å rekna som investeringar.

2. Generelt

Fjellstyret har helde 8 styremøte, 1 av desse vart helde som e-postmøte. Det er handsama 49 saker. Det viktigaste av aktiviteten kjem fram i årsmeldinga, elles vert møteprotokollane lagt ut på heimesida til fjellstyret, www.eidfjord-fjellstyre.no

3. Viltforvaltning

3.1 Villreinforvaltning

Bestandsmålet for villreinstamma på Hardangervidda var;

Hovudmål:

- produsere 2.000 – 2.500 kalv årlig (målt ved kalvetelling)

Delmål:

- simleandelen på 40% (målt ved strukturtelling)
- bestandsstorleik maks 12.000 før kalving.
- halde ein mest moleg stabil bestandsstorleik over tid.

Målsetjinga har vore sett tilside grunna skrantesjuka og skal fornyast i 2023. Dette har prega fellingskvota som vart fastsett. Det har vore eit overordna og samstemt mål å redusera delen eldre bukk i stamma for å hindra spreiring av skrantesjuka. Resultatet vart kvote fordelt som 50% bukk- og 50% fridyr. Samla kvote vart sett til 7000 fellingsløyve med rett til å fella kalv på kvart fellingsløyve.

Fjellstyret vart tildelt 479 fellingsløyve med rett å fella kalv i tillegg. Bakgrunnen for denne kvota var Mattilsynet og Miljødirektoratet sitt sterke press for å ha dokumentasjon i form av nok prøver for å kunna friskmelda Hardangervidda for skrantesjuka. Hardangervidda reinen er ikkje friskmeld enno, og med oppdaging av eit nytt tilfelle sist i jakta, vert det truleg lenge før det kan bli friskmelding.

Fjellstyret ynskjer å visa ein forsvarleg forvaltning og ikkje sleppa til for mange jegerar på statsallmenningen. Stor fellingskvote og redusert jaktbart areal resulterte i at fjellstyret avgrensa talet jegerar på allmenningen til 130. Fjellstyret hadde ordning med kortbank, denne var lite brukt.

På kvota til fjellstyret vart det felt 135 villrein.

	Kalv	1½ år	2½ år og eldre	Sum
Hanndyr	18	10	28	56
Hodyr	15	10	54	79
Sum	33	20	82	135

Fellingsresultatet viser at det i enkelte flokkar var lite bukk og at denne var vanskeleg å få tak på. Strukturtejing viser at det er lite eldre bukk att på Hardangervidda, men bukkeandelen er 15%. Når det gjeld allmenninga sin fellingsprosent er denne rekna av tildelt kvote og vart da på 14,4%.

Dyra hadde i haust eit vestleg trekk og var i fleire veker vest for allmenninga. I hovudsak gjekk trekket vestover sør for Nordmannslågen. Fredningssona vart vedteke vidareført slik den vart justert i 2020. Det er ikkje kome mykje reaksjonar på funksjon til fredningssona. Fredningssona kunne opphevast frå 20. september på vilkår. Dette vart ikkje gjort i haust. Jakttida vart sett frå 15.08 t.o.m. 30.09 sør for Rv7, nord for Rv7 vart jakttida 20.08 t.o.m. 20.09. Opphaveleg fastsette fjellstyret jaktstart frå 20.08, men blei ståande aleine om dette og retta seg difor etter fleirtalet. Til tross for samla god jakt har Mattilsynet ytra krav om meir uttak av vaksen bukk. Vinterjakt har vore antyda, men sterk lokal motstand, gjorde at sentrale mynde ikkje følgde tilråding frå Mattilsynet. Samstundes må det påreknast at det i komande jakt vert press på lokal forvaltning for å følgja opp kravet om god dokumentasjon i forhold til skrantesjuka.

Miljødirektoratet la til rette for auka felling med å sponse uttransport av felt storvilt med helikopter. Ordninga vart mykje brukt, spesielt på privatområde, og det er i ettertid kome kritikk til korleis utflyging vart organisert. Det var tilfelle kor helikoptertransport uroa dyra, jaktmoglegheiter og moglegheiten for dyra til å beite.

3.2 Elgjakt

Statsallmenninga er del av elgvaldet Eidfjord fjellvald. Valdet vart danna for å opna for jakt på elg som bruker fjellarealet. Teljande areal er rekna opp til kote 1200 moh. Dette som eit tiltak for å hindra mogleg miljøsmitte mellom villrein og elg. Kvota til statsallmenninga var 4 dyr. Fjellstyret lyste ut elgjakta blant søkjarane til villreinjakta og vedtok at tre lag med minst 4 medlemmar på laget kunne søkje. Det var fire lag som søkte. Ein vaksen elgokse, ei vakse ku og 2 hann kalvar, vart felt. Det var ikkje samjakt med dei andre medlemmane i valdet.

3.3 Småviltforvaltning

Fjellstyret har samarbeida med Vestlandet fuglehundklubb om taksering av rypestamma fyrst i august. Takseringa gir grunnlag for om det skal opnast for jakt. Resultatet av taksering viste at det var bra med stamfugl, men lite kyklingar. Resultatet vart tildeling av eit fåtal kort før taksering og stopp av kortsal etter taksering.


Tilsaman er det rapportert felt 26 liryper og 27 fjellryper. Utrekna i rype per jaktdag gav dette 0,77 rype/jaktdag i snitt for kvar jeger.

Fjellstyret har opna for treningsområde for fuglehund, dette tilbodet synest etter kvart å verta populært og er gjort betre tilgjengeleg med sal av kort via www.iNatur.no.

Det er inngått leigeavtale med Vestlandets Fuglehundklubb om å kunna arrangera prøve for ståande fuglehundar. Prøveområdet er avgrensa til å gjelda utanfor nasjonalparken. Det er kome negativ reaksjon frå Halne beitelag på arrangementet som dei meiner er skadeleg for beitesauen.

Rypetaksering i Eidfjord statsallmenning

Fjellstyret har sett ei grense på minimum 8 rype per km² og produksjon på minst 3 kyklingar per høne for at det skal opnast for jakt.



Figuren viser resultat av rypetaksering utrekna som ryper per km² areal land i allmenningen tal kyllingar per høne. Heiltrukne liner er lineære trendliner. I 2015 vart det ikkje rekna ryper per km² pga lågt tal observasjonar med dårleg grunnlag.

Produksjonen viser ein stabil trend, mens tettheit av rype er aukande. Gitt at dette er ein reell utvikling, bør jaktgrunnlaget verta meir stabilt over tid i forhold til grenseverdi fjellstyret har sett for opning av jakt.

4. Fiskeforvaltning

Forvaltninga av fiske har i hovudsak bestått i fiskeutsetting, prøvafiske og overvaking av kalka område. Det vert lagt vekt på å få inn god garnfiskestatistikk. Resultat herfrå er viktig grunnlag for forvaltning og dokumentasjon på bruk av fiskerettane i statsallmenninga.

4.1 Fiskeutsetting

Sidan 2008 har Statkraft fanga vill aure til utsetjing i Tinnhølen som kompensasjon for fangst av stamfisk.

Vill aure frå Svinto og Bjoreio er feitfinneklippt og slept i Tinnhølen. I tillegg vart det kjøpt omlag 1000 setjefisk som også er feitfinneklippt og slept i Tinnhølen.

Villfisk satt ut i Tinnhølen:

2011	2012	2013	2014	2015	2016	2017	2018	2019	2020	2021	2022
181	50	248	151	134	205	291	194	176	228	262	288

Årleg aureungar fanga i Svinto og Bjoreio slept i Tinnhølen.

All fisk slept i Tinnhølen vert feitfinneklippt. Det er ynskjeleg at fiskarane rapporterer tal feitfinneklippt fisk i fangstane. Dette vil gje eit tal for effekt av utsetting.

4.2 Prøvefiskeresultat

Det har vore gjennomført prøvafiske i Dimmedalsvatnet, Svartavasstjørn, Svartavatnet og to små tjørn nord for Krobu. Prøvafiske i Svartavatnvassdraget er ein lekk i overvaking av effekt av kalking. Det vert her teke med konklusjonar/tiltak frå dei enkelte rapportane.

Dimmedalsvatnet

Prøvefisket 2022 vart etter avtale gjennomført av Bjørner Hamre 29.08.22.

Kondisjonen på auren er framleis noko mager aure.


Tynningsfisket og normal interessa for fiske har ikkje vore av eit slikt omfang at det er med å betrar kvaliteten på auren. Det kan forventast ei årleg avkastning frå vatnet på om lag 200 kg. Skal kvaliteten betrast bør nok uttaket liggja over dette nokre år.

Så lenge interessa for vanleg garnfiske er så lågt bør tynningsfiske fortsetja, gjerne med likt tal garn i 24 og 29 mm.

Svartavatnet

Det vart gjennomført prøvefiske som del av overvaking etter kalking. Innhaldet i mageprøvar frå prøvefiske er med og dokumenterer om forsuringfølsame artar er tilstades i vatnet. Det viser seg at analyse av mageinnhaldet er den mest kostnadseffektive analysemetoden å dokumentera om forsuringfølsame artar lev i vatnet.

I tillegg er prøvefiske med å gje indikasjon om endring av garnfiskereglar visast igjen på lengdefordeling, kvalitet og gjennomsnittsvekt. Garnfiskereglane for Svartavatnet vart endra i 2016 kor det vart endre frå minste tillate maskevidde 45mm, til største tillate maskevidde 35mm.



Figuren viser snittvekt i gram det enkelte år det er prøvefiska. N= er tal aure i det enkelte prøvefiske. Snittvekta har auka etter 2016. Dette kan skuldast endring av fiskereglane, men kan og vere tilfeldigheiter i resultatet ved prøvefisket.

Svartavasstjørn

Prøvefisket viste ingen stor endring i fiskestamma i vatnet. Det er vanskeleg å driva eit tynningsfiske i vatn som ligg så vanskeleg tilgjengeleg. Totaluttaket vert for lågt til at det gir utslag i merkbar betre kvalitet og storleik.

Austre og vestre Krobutfjørn


Desse to tjørna vart prøvefiska sidan dei inngår i kalkings- og overvakingprogrammet for Svartavatnvassdraget. Det austre tjørnet ligg i referansevassdraget, det vestre drenerer til Krobudelen av Drageidfjorden og har vore kalka. Både tjørna har rekruttering og til dels småfallen aure. I Austre tjørnet var snittvekta 142 g og i Vestre 184 g.

4.3 Garnfiskestatistikk

Fjellstyret har selt 107 garnfiskekort, 7 stk har rapportert at dei ikkje har fiska. 11 stk har ikkje rapportert frå sitt fiske.


Det har vore lagt ned mykje tid for å prøva oppnå 100% rapportering, men det er opp til den enkelte om han vil rapportera. Fjellstyret set pris på at det vert rapportert og meiner rapportane er viktig dokumentasjon av utøving av den rett til fiske bygdafolk har i vatna i allmenningen.

Vidare er rapporteringa eit viktig grunnlag for god forvaltning av vatna.




Figuren viser fangst målt som tal aure og kg aure per døgn det er fiska med eit garn. Den heiltrukne lina for den raude kurva er trendline som over ein meir enn 20 års periode viser utviklinga i tal garn fiska med. Den heiltrukne lina for den blå kurva er trendline som over meir enn ein 20 års periode viser auke fangst med over 200g per garnatt.

Dette er tal for allmenningen samla. Kurvene viser nær samanheng mellom kor mykje det vert fiska og utbytte, generelt gir auka innsats auka utbytte.



Figuren viser samla rapportert fangst frå garnfisket frå 1998 til 2022. Sett tilbake til midt på 2000-talet har fangsttynnsatsen målt i garndøgn gått ned. Det er og samanheng mellom fangsttynnsats og utbytte vist som tal aure og kg aure.


Statistikken frå dei store viktige vatna viser eit litt ulikt bilete.



Figuren viser garnfangst i Nordmannslågen, avkastning målt i kg per hektar (ha) og fangsttynnsats som garn per ha. Situasjonen i Nordmannslågen synest ganske stabil, både med omfanget av fisket og utbytte. Trendlinja for samla fangst (heiltrukken rett linje) viser


stigning mot i overkant av 2 kg/ha.

Det er aktuelt å gjennomføra eit prøvafiske for å ha kontroll med kvalitet og rekrutteringa til vatnet.




Figuren viser garnfangst i Tinnhølen, avkastning målt i kg per hektar (ha) og fangsttinsnsats som garn per ha.

Utbytte frå fisket i Tinnhølen er stabilt, men gått ned sett mot åra tidlegare. Tinnhølen føl mønsteret i statistikken for allmenningen samla. Det er og ein nedgang i omfanget av garnfisket. Dette viser trendlinja (heiltrukken rett linja).



Figuren viser garnfangst i Langavatnet, avkastning målt i kg per hektar (ha) og fangsttinsnsats som garn per ha.

For Langavatnet er avkastinga ganske stabil.



Figuren viser garnfangst i Lakjen, avkasting målt i kg per hektar (ha) og fangststinsats som garn per ha. Situasjonen i Lakjen synest å vera stabil. Tal fisk er høgt grunna tynningsfiske som gir låg snittvekt.

4.4 Kalking

Svartavatnvassdraget frå Finnsberg og sør til Drageidfjorden vart kalka i 2022. Eigen rapport for overvakinga er lagt ut på fjellstyret si heimeside. Overvaking av resultat frå kalkinga har og vore gjennomført i 2021. Rapporten ligg på heimesida og omtaler resultat av prøvefiske (Svartavatnet, Svartavasstjørn, Vestre og Austre Krobutjørn), temperaturovervaking med loggarar og vassprøveanalyser.

4.5 Anna fiskekultivering

Fangst av villfisk vert utført av Statkraft som kompensasjon for at dei tek stamfisk på Tinnhølen. Fisket føregår med elektrisk fiskeapparat i Svinto og noko i Bjoreio. Aureungane vert feitfinnekleipt før dei vert sett ut i Tinnhølen. Statistikken viser til tal fanga villfisk. Årleg fangar Statkraft om lag 50 stamfisk.

Villfisk satt ut i Tinnhølen:

2011	2012	2013	2014	2015	2016	2017	2018	2019	2020	2021
181	50	248	151	134	205	291	194	176	228	262

All setjefisk og villfisk slept i Tinnhølen vert feitfinnekleipt. Det er ynskjeleg at fiskarane rapporterer tal feitfinnekleipt fisk i fangstane.

5. Fjellstyrehyttene

5.1 Hyttestyret

Frå hyttestyret er det kome slik informasjon;

Aktiviteten til hyttestyret i år har i hovudsak gått med til diverse vedlikehald av hytter, transport av ved og gass og rydding / heimkjøring av søppel.

Krobu :

Transport av ved og gass .

Stigstuv :

Transportert ved og gass.

Tinnhølen :

Transport av ved og gass, søppel heim. Lageret nyttast til lagring av ved som skal fraktast til hyttene i løpet av vinteren. Hytta og uthus beisa.

Langavasshadlet :

Transport av ved og gass, søppel heim.

Viersla :

Transport av ved og gass, søppel heim.

Heisanntjørnbu :

Det er transportert inn ved og gass. Reklamasjon på arbeid over døra er enno ikkje gjennomført.

Gamla Sandhaug :

Transport av ved og gass.

Etter at taket vart reparert står att å fornya innreiinga inne i bua.

6. Beiteleiga

Halne beitelag slepte 381 sau på beite.

7. Anna

- I samband med overtaking av naust på Gamla Sandhaug har fjellstyret starta prosess med å vurdera behov for fellesnaust i allmenninga. Dette omfattar å registrera alle båtar som ligg i allmenninga, også båtvrak.
- Fjellstyret har engasjert seg i utforming av reglane for drift av Tinnhøvegen og parkeringsplassen. Det er ynskje om å unngå for mykje camping langs vegen og at parkeringsplassen vert brukt som campingplass. Asle og Lars Kristian er fjellstyret sine representantar i styringsgruppa som er etablert for å følgja opp prosjektet.
- Fjellstyret ynskjer å leggja til rette for at villreinen skal kunna bruka meir av norvestvidda. Spesielt i forkant av kalvinga meiner fjellstyret at det er viktig at reinen får ro. Motorferdsel i utmark skal så langt det let seg gjera følgje kvista løyper og vera avslutta i god tid før kalving. Dette vert gjort for å kanalisera ferdsla og la større område vera meir i fred.
- Asle Øydvin er fjellstyret sin representant i Villreinutvalet for Hardangervidda.

Med venleg helsing
Eidfjord fjellstyre

Gunnar Elnan
Prosjektleiar

Kopi til arkiv

